

武夷遊記

吳 拭

山與水相映發者武夷匡廬耳匡廬水在山外武夷水在山中匡廬雖峙江湖浩蕩間終是主客相偶不能盡發其奧武夷則清溪九曲流出其中凡一石一木皆相映左右是以武夷可以舟遊匡廬必須杖履兩山者必欲兼之而後可不則願從武夷也何則蓋予欲取足如意目之所能受人苦不足我乃厭餘耳故遊而復述之以補人情缺陷武夷余夢嘗往焉庚申冬始得與皮囊其餘無與偕者自虎林取三衢道水陸馳十四日至溫嶺夜大雪明日霽從建江買舟三十里進武夷谿登冲佑觀訪道士冷因之因之導余謁三清

道藏輯要

天下名山記
福建武夷吳

畱

軫集五
上三二

殿殿制視拜章臺後爲賓雲亭穹碑林立皆仰摩不及螭首又後爲玉皇閣宋理宗金龍玉簡在焉穿廡而出從二門度望仙橋蒼松夾道平陸如掌而山脈遠發於小阜則昔之同亭處今爲會真廟阜之下人家落落散不成村其曾孫苗裔乎日漸薄仰見青霞兩朵混植鴻濛白雲遊其腰紅日射其下耳目心神眩於奇詭踔厲應之不少暇因之曰此大王幔亭二峰也剎那間兩峰如阿閃佛遂不再見而予卽以襍被寄頓廟中不復歸闌闌矣詰旦命舟因之偕焉從一曲中望兜鍪峰峰如其名帆勢壓人覺東南獅子諸峰皆羣伏莫敢仰視如李密見秦王也右爲鐵坂嶂紺碧競疊柘開甚麗直下爲止止菴則木稀崗瘠

無可述及至玉女峰北折爲二曲始覺有異幽谿一掌前後若
塞兩壁撐天大槩似峽中而綠蘿碧荇或少過之南折觀仙舩
巖巖自受舩處下半者強上半者弱弱者額強者削虛插嵯峨
奇不倚石仰視高鳥猶是舩底遊魚耳移舟登水樂石薄曦灑
影微颺自瀾眾寧改容鳴泉瀾瀾終無一字可犯思議咏朱子
詩猶不特意取瓦礫書三曲二字於石以當染指左折至大藏
峰峰爲四曲長前後對岸諸山如羣兒戲老翁其十三仙之蛻
宅曰金雞洞洞下曰臥龍潭柔漪染面沉翠流襟忽晴嵐一抹
從北展開堆螺刺筍瑰詭靚媚若肘予者仰予者挺而挽余舟
者捷馳而前要予者皆五六曲英靈一時吐發直過更衣臺歷

道藏輯要

天下名山記
福建武夷吳

巽

軫集五
八

玉華天柱晚對諸峰如因萬戟中妍怪豐瘦轉掉殊態一喜一
怒具有深情又泊平林渡謁文公祠祠負隱屏峰一脈直拔獨
抱蒼鬱而北戶距雲窩僅數百武遂捨舟從磴道仰觀接筍卓
上無端蓓潤飛動絕似伸珪筆其下崖石刻露與之爲怪或懸
而墜或削而擎羸而突者或額或鼻詘而弁者或目或口或噴
簷牙仰臺俯檻如嵌版屋藤樹雲蘿相蔽以爲幽竇倚石作垣
柴扉不設而雲窩竇雲之堂左次矣林影欲昏夕陰下地月色
漸溪上來呼酒數酌復登舟西折過七曲得巖三石二蒼屏天
壺三仰諸峰皆掠鏡擢髮夜來媚人及北折百花巖經鼓子並
蓮諸勝寒猿叫影空霧濛濛宿鳥驚光威霜肅肅身是遠遊賦

中人不復帶世間想乃折上芙蓉灘是爲九曲矣忽霜風淒潔不能進因之引白煙一帶曰毛竹洞指漁燈一點曰齊雲峰如覓戶見指耳遂返覺來時所稔諸勝咸無半面識者緣去來向背兼多變幻之資意態頓改而余亦欣然有新接矣再旦望接筍峰從仰止亭投石門厯鐵象巖皆捶磴爲堦錯落不一俯仰上下出沒石林間若排扉若穿牖若迷路引還若蜃之時有無而萃之驟判合也登漸陬忽豁然高峰四嶽窪中隆外如仰釜微缺從缺處一石欽嵌飛動舞瀑蜿蜒而下晴雨亂飛浴蒼滌碧分道綫流各傳琮響積雲在崖氷柱時墜凜乎其不可留乃折步左掖而上一壁聳百餘尋揭于雲表莫測攸躋若折鱗木

道藏輯要

天下名山記
福建武夷吳

吳

軫集五

而下未及者反豎於上也懸三梯級各以百計其懸處得凹之半左削右虛含慄守視而上梯窮壁復胸而凸出從胸上環鑿一徑僅容半躡捨距用趾履滑攀索膝胸而行如胡僧和南而復盤旋者三十步徑斷續以棧復十步許得定心亭旣脫險艱而諸峰亦各挾所有以償余植然終爲餘險所奪忽忽不能給賞俯瞰皆白雲清溪幾曲如秋電之過目不敢察視也少頃因之至氣敗色死汗出如豆宜用理中湯者復少頃登龍脊雙壁離立界雨濕而中拔數十仞下望如雞胸骨窄束不能雁行賈勇上征屢奮屢息賴縹緲繡兩壁墜雪鈎枝餘花嫋嫋羞得自怡遂由仙奕亭上絕頂登玄元道院松竹蔽虧菁菁鬱翠風蘭

露蕙芬馥四時汪麗陽所謂反真復命處也問癡願高尋栖霞
所白雲在足青天四垂日月度楣梁間雷電虹霓屏下方不得
至也及下出石門望懸梯如腋下短帶耳上下崖石其崇五之
翠乳欲零穴胸如蛀豬骨蒼容窮剝極刻殆太始氏崇嵐釀烟
意匠磨盪叱而化石非石能也復西望仙掌峰取石巖道登天
游觀道視接筍稍夷然亦岌岌復磴仁治仁亂登三里許忽一
石從左拔起與仙掌相拒如峽而磴遊人憇此若酷暑之得水
室更三里渡胡麻澗隨流而東行數百步入天游觀隱屏風竇
拱之及出一覽亭則隱屏若可蹴而造也屏挾接筍玉華二峰
如人豎掌中三指高不逾眉其餘諸峰環侍高者拊膝卑者承
道藏輯要

天下名山記
福建武夷吳

吧

軫集五

踵皆孩而顛撫之曩之溪上魁然雄傲以不可攀者悉盤中玩
石耳清溪九曲畫指而盡聽灘聲在風際搖蕩如饒婦炒寒豆
憶昨之白烟漁火又是眼空花不足思也至若三友堂勝覽亭
皆夜郎王之比漢耳既返道士留曲水爲談山中事詭詭可聽
是夕月色甚佳不能寐復出一覽亭觀白雲敷巖如海而衆峰
各萌頭苗角作水族異狀狀亦各有所擬獨隱屏如巨鯨翹首
北顧峰頭懸兩燈差可以擬目亦奇觀也不識仙船此時作何
浮動晨際再撫危欄攬羣峰之髻拂拭初陽稜稜露爽昭秀倍
初相見時乃飫玩之而後從胡麻澗上行三里許有山當菴古
木幽清流泉婉出令人有息心想及至葛香林但有贊嘆不能

名狀則蓬首垢衣三旬九食亦甘心而願止焉自此從玉柱峰東行雲徑闐寂了無人聲惟覺泉石洒然一勺一拳具足仙韻草木藤蘿俱有香氣耳天心菴以峰名杜豁巖以人顯皆相去六七里從萬峰脚下縈迴取路如循永巷中越礮渡壑喜其漱泐嶺岈骨齒斷齟黛綠丹碧班駁成文泉水濺之皆活也登九井巖巖巔有泉如井者九清徹映星漢汲一則八井俱動想一脈也穿蘿而南折爲水簾洞丹崖百尺瀉水如珠飄洒隨風清聲瑟瑟恨多駕屋插坊有道官氣然復頽敗無人烟火俱寂而殘陽古廟之致又在耳由是北折遶劉官寨再折過紫峯嶺山勢倏譎愈出愈奇如讀荆軻傳節節鼓舞羣峭摩天妍秀可人道藏輯要

天下名山記
福建武夷吳

哭
軫集五

較之谿上諸峰如甥之似舅子之肖親兄弟之相彷彿者往往然也涉一澗曰襲芳遡流而行數百步有瀑潺潺然落谷中此澗之源也從瀑旁取徑數折而登不患無褰裳濡足之勢約二里稍東折度雲門雲門者一石與崖附會而成衍不百武衍盡盡處復一澗曰流雲又瀑之源也嘉樹扶蘇人家閒靜復有柳岸柴扉小橋流水之趣於峰之上得未常有橋之西有深密菴擁竹萬竿規制宏敞毛道人一呆靜處也由左掖而西爲閒閒室爲白雲鄉皆連亘相接總之俱屬爲盧岫耳岫之北一徑裊裊投雲而沒似可以致遠而因之逼歸甚急曰明日望有直役果爾卽盧岫已惠於望外矣旣下仍從涉澗處南折歷紫霞嶂

又折趨馬頭巖想捷徑也有凝雲菴碧桃源翠竹窠諸處皆石門松徑來往與麋鹿相值於數里之間石根雲樹縱橫道路虬蟒千萬條礮石之爲獅象鷓鴣騰上而飲下欲攫人者又非算數之所能及但覺遠近有情拒迎有法相師而轉求勝焉及下馬鞍巖稍東折二三里山始舒緩控揣亦息而游人嚮之驚魂動魄者亦不覺其驟釋而氣平也度雞蘇坂望三姑尙遙至蘭湯度忽大王在側矣雖然二日游歷山水之勝不十之一况又從跋跣了日課與馳馬看花等何關眺賞武夷雖一歲窮耳余心實許焉噫二日游又同曩時夢矣

道藏輯要

天下名山記
福建武夷吳

巽

軫集五